

10 JUN 1999

AGONG HANTAR PERUTUSAN TAHNIAH KEPADA RATU ELIZABETH II

KUALA LUMPUR, 10 Jun (Bernama) -- Yang di-Pertuan Agong, Sultan Salahuddin Abdul Aziz Shah dan Raja Permaisuri Agong Tuanku Siti Aishah menghantar perutusan tahniah kepada Ratu Elizabeth II di Britain sempena hari keputeraannya esok.

Sultan Salahudin dalam perutusannya berharap yang ratu itu akan terus menikmati kesihatan yang baik dan kebahagiaan.

Baginda berdua juga menyatakan keyakinan yang rakyat Britain akan terus menikmati keamanan dan kemakmuran di bawah pemerintahnya.

Datuk Seri Dr Mahathir Mohamad dalam perutusan kepada rakan sejawatannya di Britain, Tony Blair berharap Ratu Elizabeth akan terus menikmati kesihatan yang baik dan kebahagiaan.

Perdana Menteri juga berharap yang kerjasama sedia ada antara Malaysia dan Britain di semua bidang dapat dipertingkatkan di masa depan.

Menteri Luar Datuk Syed Hamid Albar menghantar perutusan lebih kurang sama kepada rakannya di Britain, Robin Cook.

-- BERNAMA

ARA PR